

Dibapadišwa le dilo tša go apea tša kgale

Dipotšišo tša pele ga go bala

1. Efa leina la puku ye.
2. E na le matlakala a makae?



“Bana ba ngwanaka, ke nyaka gore le tsebe setšo sa rena le se kwešiše, Le swanetše le tsebe segageno le setšo le be le ikgantšhe ka sona. O ka se tsebe mo o yago o sa tsebe moo o ya go. Ke nyaka go le iša musiamong wo o swerego dilo tša setšo,” gwa bolela Makgolo.



“Mohlare wo ke morula, ke mohlare wa go tuma mo setšong sa rena. Dienywa tše di lego mo mohlareng wa marula di bitšwa marula, le ka di ja. Marula a šomišwa go dira dilo tše di nši bjalo ka jamo le tše dingwe. Ba dira gape le bjala ka marula batho ba ipshine ka bjona,” gwa hlaloša Makgolo.

“Bjale ke nako ya go ya musiamong, o re tshepišitše makgolo!” gwa realo Mošopšadi.



Naa o kile wa bona mohlare wa morula?



“Bjale re fihlile musiamong bana ba ngwanaka, ke gona mo go nago le dilo tšohle. Le theeletše gabotse ge ba le hlalošetša ka setšo sa rena,” gwa realo Makgolo.

“Ke a bona, ke gona musiamong wa setšo mo?” gwa botšiša Karabo a kgahlegile.

“Re tla theeletša ka šedi gore re tsebe setšo sa rena,” gwa realo Mošopšadi.



“Thobela ba gešo, le amogetšwe ka mo musiamong wo nna tša setšo. Leina la ka ke Setlau, ke nna ke tla le bontšhago dilo tša ka mo. Ke nna ke tla bontšhago dilo ka moka tša setšo,” gwa realo mohlahlhi wa musiamo.

“Thobela Morena Setlau, nna ke tlišitše ditlogolo tša ka gore di tle di tsebe setšo. Ke kgopela o ba rute tšohle ebile o se šadiše selo,” gwa realo Makgolo.



“Tše ke maho go setšhaba sa Bapedi se a šomišago go apea magobe le mekopu. Akere lena le apea dijo tša lena ka malepola?” gwa realo Mohlahli wa museamo.

“Nna nkile ka le bona, mma o na le lona kua gae,” gwa realo Mošopšadi.

“Ee, mmago o le filwe ke nna gore a le apee le bogobe,” gwa bolela Makgolo.



Ekaba leho le šomišwa go dira eng?



“Bjale dipitša tše di swanago le tša mma ke tša eng?” gwa botšiša Karabo.

“Tše ke dipitša tše di dirilwego ka kota, o ka di šomiša go kgabiša. O ka di šomiša gape go tšhela dijo tše di apeilwego,” gwa hlaloša Mohlahli.

“Di botsana ebile ga di boima go swana le pitša ya maoto,” gwa realo Mošopšadi.




Naa o a tseba gore musiamong go direga eng?



“Tše ke na tše tšona kua gae ga ka ebile ke kgona le go di dira. Ke dipitša tša letsopa, re be re apea ka tšona dipitša tše,” gwa hlaloša Makgolo.


“Makgolo o bolela nnete, tše ke dipitša tše di dirilwego ka letsopa. Setšhaba sa Bapedi se be se šomiša dipitša tše go apea,” gwa tlaleletša Mohlahli.



“Dipitša tše tše dikgolo ke tšona di bego di šomišwa ke setšaba sa Bapedi. Ba be ba apea ka tšona menyanyeng le medirong ya setšo,” gwa hlaloša Mohlahli wa musiamo.

“Re be re direla le mabjala ka gare ga tšona dipitša tše,” gwa realo Makgolo.

“Makgolo, dipitša tše dikgolo tša boima ka tsela ye!” gwa bolela Mošopšadi a maketše.



“Le a di bona dipitša tše batlogolo, di dirilwe ke matsogo a a ka. Ke be ke di dira ka matsogo a ka ke ba rekišetša tšona ka R50 fela. Bonang gore ba di turiša bjang batlogolo, R300 pitša e tee!” gwa realo Makgolo.

“Ke be ke sa tsebe ge dipitša tše di dirilwe ke lena!” gwa realo Mohlahli.



“Tše le tšona di dirile ke diatla tše tša ka!”
gwa realo Makgolo.


“Makgolo bjale o kare lena le tla ntšeela
mošomo wa go ba mohlali wa
museamo. Gape le no ba musiamo wa go
sepela ka dinao!” gwa realo Mohlahli a bile a
sega.

“Makgolo ba tseba dilo tše dintši ebile o kare
ba dirile dilo tšohle,” gwa realo Karabo.



“Ye ke mepopi ya go dirwa ka letsopa, ke mepopi ya Kgoši le Kgošigadi ba kgale. Bana ba bantši ba thabela mepopi ye ebile ba nyaka go sepela le yona. O tla hwetša ba lla, ba llela go sepela le yona,” gwa realo Mohlahli a sega.

“Le nna ke a e rata mepopi ye, le a e rekiša?” gwa botšiša Mošopšadi.



“Tše ke dikgabiši tšeo di dirilwego ka letsopa tše ba bego ba kgabiša ka tšona. Dikgabiši di be di bewa ka gare ga dintlo tša bona,” gwa realo Mohlahli.

“O bolela nnete, le rena re be re na le tšona ka dintlong tša rena. E be e le dikgabiši le dimpšherere tša mehuta,” gwa realo Makgolo.